

里

許叔平著

乘

第二冊

進步書
局校印

許叔平

里乘

PDG

里藥卷三

蘭茗館主著

扎拉芬夫婦

扎拉芬者。漢軍百文敏公之冢嗣也。墮地授官。成童取妻某氏。年齒相同。伉儷慕篤。文敏薨後。公子陰襲秩躋卿。貳十九歲甫生子。賀客闐闐。湯餅溢座。詰旦公子忽起。頽漱具冠服。向北九拜畢。令左右請太夫人至。延諸上坐。自伏地稽顙曰。昨夜先公命之矣。兒本上界星官。今既有子。合歸舊班。不得久戀人世。但兒不能奉母終天年。且以此呱呱者一塊肉。累老人教育。兒罪實甚。此子骨相是富貴中人。異日定能代兒盡孝。凡此皆天意。母亦毋庸感慟。傷懷又起。坐徧諭侮。甬人等善事太夫人。共撫孺子。好理家政。我去矣。言訖。瞑目含笑而逝。初公子以妻新媿。戒家人勿遽以凶耗告太夫人。痛子愛婦。恐傷厥心。遂如戒。祕治喪事。及妻審公子。僉託入直為辭。三問三如之。乃不復問。兒既彌月。妻忽晨興。命婢具湯沐。穠粧結束。珠冠霞帔。向北九拜畢。令左右請太夫人至。延諸上坐。自伏地檢衽曰。曩日公子命之矣。妾本上界女星。夙與公子有緣。今既有子。合與公子各歸舊班。不得久戀人世。但妾不能奉姑終天年。且以此呱呱者一塊肉。累老人教育。妾罪實甚。此子骨相是富貴中人。異日定能代

妾夫婦盡孝。凡此皆天意。姑亦毋庸戚慟傷懷。又起坐。偏諭梅甫人等。善事太夫人。共撫孺子。好理家政。我去矣。言訖。瞑目含笑而逝。

里蔡子曰。觀公子夫婦彌留時。告母諭眾之詞。歷歷明晰。如出一口。此殆蘇長公所謂其生也有自來。其逝也有所為者歟。隆昂騎箕足徵載籍不謬。如公子夫婦者。一得嗣體人事已盡。含笑皆逝。可告無罪矣。牛女二星之外。天上又添此一雙嘉耦。傳之千秋。真堪豔羨。

仙露

高陽某生。舊家子也。少孤。家業素豐。以委託非人。乾沒折閱。銷耗垂盡。及生長知事。年少負氣。奮欲恢擴舊業。遂將存產。盡行鬻變。作孤注。得二萬金。服賈遊吳。及掌可與陶猗埒富。時吳下有名姬仙露者。年甫破瓜。豔聲隆起。生方喪耦耳。姬名姑偕友具贄往訪。一見目成。兩情心許。酒闌。送客留髡。枕席綢繆。各吐衷曲。割臂締盟。矢以嫁娶。自是無日不往。未及一年。腰纏漸絀。難厭媼欲頓遭白眼。生將質衣貨馬。以供纏頭之資。姬微聞之。謂生曰。君以尋常狹邪視兒耶。則已。如以伉儷視兒。則宜早為之計。大抵平康生活。有貲即事。趨承雖富有銅山。亦不能填無底之壑。日來偵君囊橐告匱。聞將變質衣物。殊非長策。且過此以往。又將何如。生沈思久之。答曰。小生所謂得過且過。過此以往。倘計無所之。拚一死以殉知己。姬聞之。

淒然曰果爾則君之計亦左矣。君如實心愛妾，彼此不妨熟商。鵠媼所欲者貨財耳。君在此耗費已復不少。況爾我白首之約，方君盛時，媼曾極口許諾。君試申前說，料亦不忍苛求得間第往探之，需價多少。君如不足，妾薄有私蓄，當以相助。商計已定，越日生果，如言詢媼。且謂嫁娶之約，姆所親許，天父地母實有所聞。小生久客當歸，理宜不肯前盟。聘贐若干，合當齎命。敢請媼冷笑揚目，答曰：所說誠然。然自妮子入門，老婦教養不易。今欲脫籍，其身價在他人，必得千金。念公子平日伉爽，願減其半。如有五百金，即唯命是聽。否則莫怪老婦不情也。生唯唯退，以告姬。姬問生能得幾何。曰：變鬻衣物可得二百金。姬曰：若此易矣。君速去措辦。俾事早諧。遲恐生變。生急慘澹經營，姬為傾筐倒篋，湊合如數。携以送媼。媼初以五百金非生所生，倖辦。今竟如數相付，礙難反盛，不得已納金署券。乃盡褫去姬之衣裙釵飾，僅存細袴。遂令隨生速去。時方暮春，天氣薄寒。姬再三哀求，始給一舊布絮襖，聊以禦寒。生携姬至旅舍，檢理行裝，所存無幾。途長資短，莫知所措。逆旅主人憐兩人荏弱，慨贈白金一流，甫得成行。半肩行李。生自負荷之。姬披髮鞦韆，徒步相從。日祇行十餘里，不及旅店，輒寄人簷下。或宿古剎，以為常。經秋始至齊境。資斧不給。會天雨纏綿，泥淖難行。姬足趾蹇破，血流濡襪。脫以示生。生數曰：小生輒泊窮途，孽所自取，固無尤怨。累卿憔悴若此，心寔不忍。姬曰：是

何言也。妾從君出門時，早知必有今日。但人患無志，不患吃苦。君傾產出費，為欲恢復前業也。今舊業未恢，產資蕩盡，攜妾而歸，立雖無地，其能免隣里誚乎？生曰：奈何？姬曰：妾意小作貿易，較跋涉安逸，或冀少得什一，亦可聊以解嘲。還見故鄉父老，君以為何如？生曰：卿言良是。顧何從得資？姬曰：容妾圖之。詰旦笑脫左履，出珠一顆，大如發，授付生入市，售得三十金，遂稅屋三椽，操業來共作苦。半年食用粗給。姬笑問生：君業此不厭乎？生曰：以今視昨，較僕僕奔馳，懷皇無定，相去不啻天淵矣。何厭為？姬曰：固然。但所操太狹，必稍擴充，而潤色之方可。生曰：談何容易？姬笑脫右履，又出珠一顆，大如前，付生售之，價亦相等。遂并貨米鹽醢醬雜物，日有生色。不半年，漸蓄傭媪。生日：操會計，夜擁麗人，自以為人生之樂，如是已足。姬忽問生曰：君將浮沈於此，以終身耶？抑尚有他志耶？曰：小生得隴不敢望蜀矣。曰：敢問賈與仕孰優？曰：賈不如仕。又何待言？曰：若然，君何不棄賈而仕？曰：卿真也耶？明知小生讀書未成，何從求仕？曰：妾聞司馬文園尚不以賈郎為恥，豈古之循良吏皆由科目起家耶？君如有仕志，曷不納賁以求之？生不覺失笑曰：卿益復嚙語，些須薄賁，僅敷餬口，那有多賁可納？姬正色曰：君果欲仕，妾自能設法。曰：將如之何？曰：君意欲何仕之求？曰：佐貳可乎？姬搖首嗤之曰：何其卑也。曰：丞倅牧令可乎？曰：未也。盡再等而上之。曰：意者其為郡守乎？曰：如斯差可。萬不

得已亦必須如此庶可稍展妄志。生問何法之設。姬笑指舊所著布絮襖謂之曰。妄壽之已熟。此中所藏不止一郡守之貲。其餘可留作資斧。無俟他求也。以兩儀刀折之中綴明珠不下三千顆。次第鬻之。共得五萬餘金。遂罷賈趣。生赴部納貲銓得粵東太守。指日挈眷之任。時瀆海州郡所在患盜。行旅苦之。姬謂居官當首先為民除害。因屬生檄所部各邑嚴行緝捕。又出多貲。偏募健兒。散布津隘。以備偵訪。連獲劇寇百數十人。悉置之法。盜踪頓戢。水陸慄慄。遠近頌之。姬固婉曉文義。自生之官。凡催科撫字。聽訟察吏。事無大小。皆內決於姬。庶務畢理。生惟優游素餐。坐享其成而已。三年政成。受上考擢浙東觀察使。尋遷浙臬。前後不十年。開藩吳下。以千金報逆旅主人。適鴛媼之夫為怨者所計。株連繫獄。媼為偽賣珠者。夤緣入署。求姬為道地。見姬攢珠簇翠華粧。坐七寶牀上。容光四照。人前尤為豐豔。麗婢數輩環侍左右。媼膝行匍匐而入。伏地不敢仰視。叩稱老婢死罪死罪。曩日不識貴人。過於計較。乞賜恕宥。乃泣白所求。姬領之有頃。微哂曰。阿姆休矣。頻行時。幸叨布襖之惠。不致凍填溝壑。念此一點香火情容。與官人謀之。聊以報德。且藉以補身價五百金。免使阿姆處冷也。媼汗流淫面。稽顙有聲。姬麾令去。不日即出。其夫於獄。後生晉豫撫嚮用。方殷。莅豫甫半載。姬笑謂生曰。以君之才。何能獨當一面。語云。駕馬戀棧久。必蹶蹇。不如避位。免譏覆餗。且人貴知足。大丈夫如此。亦足矣。何必畫蛇添足邪。生從其言。遂疏乞罷歸。封姬夫人。年尚未及

四十望之如二十許人生二子一女子讀書均成進士。一入部曹。一入詞館。富貴甲於一鄉。姬勸生力行善事。培養英才。賑恤窮乏。創設義塾義倉。仿范文正公條定章程。刊碑以垂永久。鄉人至今稱頌不衰。

里蔡子曰。高陽生一庸夫耳。變產作孤注。以圖恢復舊業。其計已左。二萬金揮霍殆盡。脫非遇姬。亦濟中瘠而已。及貿易少安。便無他志。然則生一庸夫耳。乃公然由太守而洊晉封圻。庸夫偏有此庸福。伊誰之力哉。仙露作為事事。今人可愛可法。初屬其求仕。繼佐其為政。終促其勇退。且勸力行種種善事。鄉人稱頌。其見地之高。多非鬚眉所能及。何況巾幗者。何況巾幗而勾欄者。意嘻異矣。

袁姬

浙東江山船。有欄杆頭亭蕉葉白等名。其陳設也華而潔。其飲饌也精而新。船各蓄美姬二三人。甫及笄者。謂之同年妹。齒少長者。謂之同年嫂。大抵桐廬嚴州人居多。同年固桐嚴之訛也。各姬有親生者。有購養者。兒時即延師教之。度曲。絃管檀槽。靡不精曉。凡仕宦客商登舟。飲食起居。皆若曹伺奉。無須廝僕。其目聽眉語。類能曲如人意。往往客子被其迷惑。資罄身殉。在所不惜。故初登其舟者。無不各有戒心。以予所聞。顧生袁姬一事。則誠千載不易得。

之遣也。顧生江東人，少年俊美，抱翩翩元瑜之譽，傳食於公卿間。往來錢塘江，時乘袁翁之船。翁有養女阿翠，年裁破瓜，色藝冠時。生愛戀慕殷，會杭州太守聘司記室，筆札有暇，即往就姬。几櫛沐飲啄，皆自為姬給役。歷久不厭。如是者二年有餘。生情日密，姬則淡漠遇之。每欲留宿，輒拒不納。旁人多為不平。即袁翁與媼亦竊竊憐生，而怪姬薄情。姬不之顧。而生亦不以為意。劉也。明府某公，任俠好義，素與生友善，以愛生才，而憐其太癡，願出千金為姬脫籍。生大喜，商之。翁媼諾之。轉以問姬，則抵死不肯。說之再三，始勉強應諾。並與翁媼約親迎之。次日即歸寧。凡舟中已之牀奩什物，毋許動移。叮囑諄諄。翁媼極口許諾。然後兌金署券。至親迎之次日，姬請遵約歸寧。下午即返。薄暮城門已鐃，足音杳然。生竟夜徘徊，起坐太息，目不交睫。詰旦急往尋其舟，已挂帆不知何往矣。生望江水渺漫，烟波無際，悵惱如焚。急欲蹈流而死。繼念徒死無益。姬他日琵琶別抱，更可無忌。不如忍息以偵察之。乃嗒焉若喪。走語明府某公，求為畫策。公勸生既姬不願，亦姑置之。譬嗜龍鳥，野性難閑，終思飛去。以君之才，自有嘉耦。况烟花中人，有情者少，亦何必戀不割愛。而自貽伊戚哉。生殊不以為然。遂獨買舟沿江踪跡之。後至嚴州城外，見垂楊下，袁舟橫焉。姬方倚門與翁閒話。睹生至，返身遽入。若不相識。生登舟與翁媼寒暄，已呼姬不答。恚恨莫遏，狂叫譙訶。姬四顧他語，置若罔聞。

生無可奈何。遂具狀懇諸郡守。郡守素耳。呼名拘姬至。訊之。姬曉曉強辯。郡守問生究竟意欲何如。生出券呈驗。堅求合璧。郡守如判。飭令姬歸。並反覆開諭。以後當與生和好。無再參商。姬既歸舟。怨恨之情。形於詞色。翁媼從旁規勸。亦謂當贅生於舟。免招物議。姬搔首不語。勸譬再四。始與生言定。兩舟相並。每夜自携衾枕。過生舟就寢。日則仍回己舟。生不得已。曲從之。自是肅肅宵征。抱衾與稠。夙夜必偕。習以為常。相居半載有餘。琴瑟靜好。翁媼竊慰以為從此可白首魚水矣。一夜月白風清。漏二下。姬察衾舟人已睡熟。乃徧悄呼生舟人起。戒勿高聲。自於裙底出匕首一柄。長尺有半。白如霜。又出白金二百金。指謂眾曰。公等若聽妄言。請以此金相酬。不則請伏死而於汝舟。亦有所不利。願公等決焉。眾相視錯愕。莫知所指。僉曰。如能效。敢不如命。但請相示。姬袖刀低聲告曰。若然。請公等納金。悄將前後纜解開。切勿驚覺隣舟。乘今夜風利。開帆向杭州遠發。抵岸尚不吝重犒。舟人如言。解纜將帆拽滿。兼程馳抵杭州。姬大喜。問生城中有賃屋否。曰有。姬乃厚犒舟人。急召人擔荷什物。偕生入城。笑謂生曰。妾今日方是君婦。生問何謂。曰。後自知之。先是生舟夜發。昧爽。袁舟始覺。翁媼忿甚。急張帆追至杭州。入城見姬。責其背逃之罪。姬謂嫁夫隨夫。何謂背逃。翁媼尚念舊好。請勿贅言。後日尚可往來。不則從此斬斷葛藤。兩為陌路矣。翁媼以姬明決。悔恨之極。欲

訟官以前。既憑媒署券後。又經郡守判斷。更難翻覆。乃白眼瞪視垂頭。嘿慨者久之。不得已。甘言強笑。訂盟而別。蓋姬平日私蓄。固有萬餘金。嫁生斷難攜帶。必如此作。為使翁媼不覺。然後兩舟相並。便好陸續攜運。若稍露聲色。則防察必嚴。絲毫莫取矣。其機甚警。而其心亦甚苦也。姬尋出金為生納貲。縣令所在悉著政聲。皆由內助之力居多焉。

里藥子曰。袁姬深得用兵。欲擒先縱之法。觀其平日。遇生無情之狀。不唯旁人不知其心。翁媼不知其心。即生亦實不知其心。及再經郡判。並舟來往。宿蓄運盡。乃召眾餌以白金。却以白刃。馳抵杭城。至是始為生婦。翁媼雖躡跡而至。亦徒有白眼瞪視而已。又將奈姬何哉。夫如是而姬之心。旁人知之。翁媼知之。而生亦始得知之。古所謂將飛者翼伏。將奔者爪縮。守如處女。出如脫兔。袁姬有焉。勾欄竟有此人物。合之仙露。可謂女中二豪。仙露事事從容。固好。袁姬事事枕密亦好。予樂為瑣瑣筆之。所以賀二生之遭也。

夙寃

休寧黃某。貿易越東。蓄一番犬。馴而且黠。能解人意。黃極珍愛。每食即飼。以其餘眠。則令卧床下。出入行止。須臾不離。會歲暮歸家。路過睦州。以失路投止蘭若。一老僧出。與客問訊。忽見犬。問黃曰。居士那得此犬。黃告之。僧歎曰。居士奈何。秦此寃畜。黃聞之錯愕。以其言異。叩

之曰。鄙人庸俗。不知夙世因果。願求指示。僧初不肯言。再三研求。乃謂此犬與君前世冤結甚深。不久必當相報。黃益駭。遂膜拜頂禮。求示解脫之法。僧喟然曰。老衲不合。向居士饒舌。然佛法慈悲。又不忍坐視。君須謹識吾言。到家三日後。夜就寢時。伺犬睡熟。君潛遁去。但取素所著衷衣多件。結束如人形。悄置衾中。聽其作為。計此犬求君不得。必憤極自斃。君將其屍懸深山樹上。待其銷化。如此庶可解脫。須謹識之。勿忘。黃合十受教。歸如僧言。部署大果。以求人不得。偏將衾枕衷衣。抓嚙狼藉。狂寤跳躍而斃。黃大稱異。知僧言不誣。遂將死犬挂深山樹上。踰月往視。其皮肉已銷化殆盡。僅存毛骨一具而已。既又作越遊。特往謝僧。僧曰。君不悖老衲言。部署甚善。但此犬怨氣未散。今又變而為蛇。知君來此。翌辰必蹤跡而至。甘心於君。奈何。黃聞失色。股栗哀求拯救。僧曰。君幸遇老衲。緣分不淺。合終始成全之。乃出大甕。令黃踞卧其中。又取一甕覆其上。閣口處。勒書符鎮之。至時果來一蛇。身粗如瓊。長數丈。繞甕數匝。甕振振作響。竟不得開。蛇憤自裂其身寸斷。僧啟甕出黃。黃再拜稱謝。僧質之曰。君大冤已解。然其鬼知老衲饒舌。將來必與老衲作難。黃曰。奈何。曰。老衲自有處分。居士可請無慮。黃大喜。酬以重金不受。後亦不知所終。此新安吳子琴言者。

里藥子曰。怨毒之於人。甚矣哉。夙世之冤。猶固結而不可解。如此黃某。非遇老僧。則此生休

矣。君子觀之。亦可藉以自警。

趙乙

子琴又言。無錫縣城中。典庫後有曠園。大逾十畝。忽有壯夫。負竹篙一竿。修而多節。白司事者。求寄存園中。訂日來取。詰旦。汎埽夫趙乙見之。問司事者。此篙從何而來。司事告之。趙太息不語。司事察其言狀有異。轉詰之。乃曰。小人向日流蕩江湖。略知暴客號訣。此篙即若曹信物。數節之多。寡便知黨羽人數。今倚園牆西隅。其來必由此處。是不可不預防之。司事聞之大驚。趨告主人。眾意乙非常人。因謂汝既知此篙必能辨賊。果爾當重賞不吝。乙初不肯。再三央之。乙乃數篙節。凡三十有三。曰。賊數如此之多。非以計殲之不可。眾問計將安出。乙笑曰。公等勿慮。小人自有料理。乃請買豆數百石。攤布園中。約厚尺許。又買大甕三十具。置牆下聽用。主人如言部署。一夜天月陰黯。乙謂眾曰。賊至當在今夜。小人當一一殲之。公等如膽大不畏。請作壁上觀可也。主人駭懼。恐乙眾寡不敵。出資募健兒百餘人。各持器械。為乙助威。乙麾之去。曰。爾曹固莽無能。在此攪擾。徒亂人意。請速去。勿敗乃公事。悉命舉室吹滅燈燭。自袖利刃。潛伏牆陰以伺之。少選。竹竿窸窣作响。一莽男子自竿溜下。足踏豆上滑而顛。乙暗中以刀剝其首。擲甕中。未幾一人繼下。顛如前。又剝之。連剝十餘人。外賊以其黨

多人入牆。寂不聞聲。慮內有備。中一點賊躍登牆上。次且不敢下。俯首窺察良久。輕拊其掌者。再內無應者。知事敗。遂率餘黨遁去。無何東方漸明。乙招諸健兒。置尸甕中。計之。共剝十有六賊。命悉畀而瘞於野。以滅其跡。主人大喜。厚犒諸健兒。自是除乙汎掃之役。待以殊禮。唯喘喘焉。慮恣復來報怨。而盜竟不敢再至。

里寨子曰。時人潤迹。賤役不過。有事將終身。埋沒不彰。彼盜之來。所以顯趙乙也。夫趙乙猶其小焉者也。嗟乎。風塵莽莽。豪傑儘多。俗眼不識。則交臂失之者。不知凡幾。惜哉。

絳幘生

廬州武弁某。智而俠。道過不平。不惜殉以白刃。以角巾愛着絳色。人多戲以絳幘生呼之。嘗夏日有事。六安兼道失路。乘月策馬夜行。忽陰雲驟合。暴雨如注。無可栖止。道旁有叢厓。紫馬倚劍。向身入避。俄雨少霽。開對面厓室內。窸窣有聲。見一人自內探首出。披髮袒臂。手持一碗承簷溜而飲之。電光閃爍。諦審是女子。某素豪於膽。悄拔劍趨往。以究其實。女見某近身欲遁。某亟撩其髮。叱曰。汝人耶。鬼耶。可速說。免屈污我寶劍也。女戰栗答曰。是人。某問在此何故。女初腴腆不肯言。研詰不已。始知為某生遙室某姬也。姬固滁州人。生而失母。父替精於星命。某生秋試過金陵。見滁姬悅其色。託人謀為小星。父雅不欲。姬幼讀父書。亦知命。

學。自推命薄。聞生為世家子。自請於父。願屈身為副室。生感其意。益喜。爰出重金饗其父。乃許之。既携姬歸。竟不為大婦所容。頗受凌辱。年餘不使當夕。奴婢蓄之。三日前以為掠髮失意。痛撻無算。生坐視嘿嘆。而無可如何。姬屢蓄死念。試以金錢自卜。遇遯之始。其言曰。堅冰泮春。陌路逢親。卵完石碎。替舊更新。詳玩繇詞。生機未絕。姑忍息以待。是日早起。侍大婦曉妝。袖誤拂玉釵墮地。折之大婦怒甚。謂釵為父命。贈嫁物。終身吉。凶皆兆於此。姬故意斷之。使已不利。乃撮髮令跪。裸而鞭之。怒猶未息。吼與姬約。日內不如式以償。誓不兩立。姬懼逃匿厝室。不圖與某升遇。某勸還家。姬不肯。因備訴嫡悍妒狀。且示之臂。固無完膚。某悉填膺。願與姬締為兄妹。授以計令。仍藏厝室。天明某跨馬特往生家。謂奉父命。遠來省妹。生夫妻同出。見某言頗不遜。某怒拔劍斫庭前柳樹。頓折。戟手指生夫妻。厲聲曰。如不以妹來見者。有如此樹。先是生妻虐姬太甚。隣里均為不平。今聞某來。眾等畢集攢視。且嗾某勿稍寬縱。某聞益怒。謂如不見妹。先毀其室。而後鳴官。言已。一拳已洞牆壁。生夫妻始大恐。央眾為緩頰。亟遣人各處覓姬。後於厝室得之。姬猶齟齬。不敢遽歸。其人告以兄至。歸當無患。姬佯問曰。汝言真耶。曰然。姬喜既歸。與某相見。彼此愕視。故作驚喜狀。儼然妹也。兄者相持痛哭失聲。眾見兩人情狀。逼真骨肉。互相勸慰。生夫妻益信而不疑。急具酒食。序姻姬禮。款接甚

殷留住三日。錢贖備至。某瀕行時。當眾謂生夫妻曰。某十五歲出而從軍。妹依瞽父。不幸為生所給。此是妹命不猶。夫復何怨。昨歸家。老父告知。命來省視。不料如此受虐。誰無骨肉。被人摧殘若此。於心甘乎。今請憑諸公與生夫妻約。此後倘仍蹈前轍。某必有以報之。勿謂武人國莽也。眾唯唯。生夫妻俱謝過不遑。並請寄語乃父。勿以挂懷。自某去後。果相安無事。某每順道經其家。輒信宿投餐。居然至戚。逾年大婦以病噎死。姬竟正位。始悟繇詞所誦。堅冰泮春者。陰極陽回也。陌路逢親者。意外遇某。締為兄妹也。嫡石也。姬卵也。卵雖不能敵石。而一完一碎。嫡亡姬存。則新人將更換。而替故人也。歷歷不爽。亦何神哉。

果藥子曰。絳幘生自是黃衫客一流人。所以處分某生夫妻。不愧智而且俠。快人快事。惜馮小青當日未遇此君耳。

屍變

江蘇葛生客遊楚南。為觀察某公記室。公展觀入都。以期迫兼程。前馳生與廝僕。督裝在後。一日。起程較遠。投旅店過晚。宿客已滿。再三商之。主人只求一榻地。聊以栖止。主人沈思久之。始肯導生至後一室內。故有南北兩炕。科浪反北。方土牀也。中設一几。上置燈檠。光熒熒如豆。剔而亮之。襖被南炕。時方暑月。見北炕已有一客。仰臥其上。頭蒙氈笠。不辨老少。以天熱尚着

寢筮疑是病夫姑呼而問之不答意其睡熟遂置之枯坐取管吸建烟漸覺倦怠將拂筆就寢忽見北坑客坐起瞪目直視生諦審之面色慘白不類生人試問之寂然不語慮是屍變心駭且懼欲遁匿床下計僵屍身不能佞或可幸免奈執炕四圍砌密無從竄入益復惶悚嘗問俗言僵屍必借人生氣乃得起其瞪目視人人亦瞪目視之四目相向陽尅陰永不能動如目少眨則陽氣便散彼即乘勢而起生憶其說遂亦瞪目對視不敢稍瞬良久漸難支持幸南炕旁近雙扉反手以烟管撥其扭頓脫急起拔關趨而出潛屍亦躍起直追緣生出戶匆遽雙扉為衣風拽掩屍撞觸之遂闔阻不得出方生之出也迫急失足顛踣量不能興踰時始力疾起呼廝僕召主人至厲聲叱責主人忸怩謝過且言客家小康距此不過一舍地今午過此得暴疾卒已遣人名其妻孥會當即至正譁論間妻孥果至主人歷訴其故見生額青鼻腫並損二齒俱稽顙謝罪急欲入室雙扉為屍撐拄碎莫能開同破壁入見屍直仆門上十指入木如釘牢不可拔妻孥環哭斧扉以停其屍又見几燈為屍觸翻油潑南炕衾席污漬狼藉乃厚償生貲將昇屍而去葛生與吾友葛菊人同族菊人歷歷言之如此

小蛇

黃稼田司馬言其鄉某孝廉禮闈下第南歸乘一部笨車途中天氣暴熱當午歇涼車子坐

白楊樹下。見一小蛇長尺許。竟體褐灰色。昂頭向上。樹上則蟠一大蛇。身粗如盆。垂頭向下。兩頭相向。見小蛇口中呼吸。大蛇為氣所攝。漸覺癱軟。不能存身。車子嘿嘿詫異。以小反制大。心頗不平。急起以足。向小蛇頸上極力踏之。小蛇負痛。掉尾鞭其足背。車子固赤足着屨。足頓腫。小蛇既殪。大蛇屈伸久之。始蜿蜒穿樹而去。乃車子之足。不收許。久已腫過臍。痛徹心髓。尋卒。

辣蟲變蛇

夏日有蟲長寸許。竟體皆毛刺。人痛於蜂螫。吾鄉呼為辣蟲。黃稼田司馬家有園。樹木甚多。嘗夏晚納涼。見一辣蟲栖桐樹幹上。以草撥之不動。遂置之。越日又一蟲來。銜其尾。凡七日。陸續相接。共七蟲。長不及尺。司馬留心以察其異。日見蠕蠕微動。漸自膠續。不十日竟共化成一蛇。蜿蜒而去。以數蟲化一蟲。奇哉。噫。七日七蟲。次第如有約而至。是果誰使之哉。

灤州儒學蛇

灤州儒學有輿夫。見大成殿外樹下一小蛇。長七八寸。粗裁如筋。竟體紅光耀目。詫為罕見。以其小也。易之戲。搗其尾。將携以示人。乃手甫近尾。蛇昂頭直立。身暴長。尾略一擺。已將輿夫顛踣倒地。暈不能行。間壁一門子聞聲。伏窺之。見一大赤蛇。其長不知幾許。蜿蜒入大